

Quantu Tempu Dinu

Quantu tempu u dolore ni stringhjera u core
Quantu tempu dinù e nostre teste more
Averanu a sperà ind'e ghjorni più chjari
Cume tutti ss'eroi è ssi fratelli cari
Cascati un ghjornu pè l'onore d'una terra
Arditti è fieri sott'a stessa bandera

Quantu tempu averemu in noi st'amarezza
Quantu tempu dinù sterà la incertezza
D'avè un ghjornu un avvene cusì spampilullente
Chi ferà piantà la smisurata surghjente
Chi annacqua la terra di sudore è di lacrime
Senza pudè stancià a sede di l'anime

Quantu tempu sta lingua sterà sculurita
E quantu tempu dinù sse stonde di vita
Averanu a stà piatte senza rimore
Cume un prigiuneru in fondu a ogni core
Chi pensa è ripensa senza mai piantà
A ciò chi porta ogni populu a liberta